



ხელშეკრულება N 311/2018

ქ. თბილისი

12 ივლისი, 2018 წელი

შპს "სან პეტროლიუმ ჯორჯია" (შემდგომში "გამყიდველი"), წარმოდგენილი მისი გაყიდვების განყოფილების უფროსის სოფიო ქათამიძის სახით,

და

სსიპ „სურსათის ეროვნული სააგენტო“ (შემდგომში „მყიდველი“), წარმოდგენილი მისი სააგენტოს უფროსის მოვალეობის შემსრულებელის გიორგი იაკობაშვილის სახით,

„სახელმწიფო შესყიდვების შესახებ საქართველოს კანონის, ნავთობპროდუქციის [საავტომობილო საწვავის] 2018 წლის კონსოლიდირებული ტენდერის CON 17000074; სატენდერო დოკუმენტაციის 5.15 პუნქტისა [საავტომობილო საწვავის შესყიდვა 15კმ -ზე მეტი მანძილით დაშორებისა და რაციონალური ხარჯვის პრინციპის გათვალისწინებით არაგამრეგულირებელი მიწოდებისაგან] და სატენდერო კომისიის მიერ კონსოლიდირებული ტენდერების მენეჯმენტის სისტემის მეშვეობით [CTD.SPA.GE] 2018 წლის 11 ივლისს გაცემული ნებართვა № 15170 -ის საფუძველზე, ვდებთ წინამდებარე ხელშეკრულებას (შემდგომში „ხელშეკრულება“) და ვთანხმდებით შემდეგზე:

1. ხელშეკრულებაში გამოყენებულ ტერმინთა განმარტება

1.1. წინამდებარე „ხელშეკრულების“ მიზნებისათვის, „ხელშეკრულებაში“ გამოყენებულ ტერმინებს აქვს შემდეგი მნიშვნელობა:

- ა) ანგარიში - „მყიდველის“ ვირტუალური (ინტერნეტ) ანგარიში, რომელსაც „გამყიდველი“ ქმნის „ხელშეკრულების“ საფუძველზე და, რომელთან წვდომაც „მყიდველს“ აქვს ე.წ. Log in -ისა და პასვორდის მეშვეობით;
- ბ) Log in -ი და პასვორდი - მონაცემთა (სიმბოლოების/ციფრების) კომბინაცია, რაც უზრუნველყოფს „მყიდველის“ წვდომას ანგარიშთან და, რომელთაგან ე.წ. Log in-ი „მყიდველს“ ენიჭება „გამყიდველის“ მიერ და არის უნიკალური და უცვლადი, ხოლო, პასვორდს „მყიდველი“ ირჩევს თავად, საკუთარი შეხედულებისამებრ;
- გ) ბარათ(ებ)ი - მრავალჯერადი გამოყენების, უვადო, პლასტიკური ბარათ(ებ)ი, რომელიც დაკავშირებულია (მიბმულია) „მყიდველის“ ანგარიშთან, რომელზედაც „მყიდველი“ საკუთარი შეხედულებისამებრ ანთავსებს სასურველი სახეობისა (მარკისა) და ოდენობის საწვავს (განსაზღვრავს ლიმიტს);
- დ) საწვავი - სხვადასხვა მარკის (ოქტანობის) ბენზინი ან/და დიზელი;
- ე) საწვავის ფასი - „გამყიდველის“ საფასო პოლიტიკის მიხედვით, საწვავის მოთხოვნილი სახეობის/მარკისა და რაოდენობის შესაბამისად დაანგარიშებული საწვავის ღირებულება, ფასდაკლების გათვალისწინებით (ფასდაკლებაზე შეთანხმების არსებობის შემთხვევაში) დღგ-ს ჩათვლით;
- ვ) ფასდაკლება - საგადასახადო ანგარიშ-ფაქტურის გამოწერის დღეს „გამყიდველის“ საცალო ქსელში დაფიქსირებული კონკრეტული სახეობის/მარკის საწვავის ერთი ლიტრის ღირებულებას გამოკლებული ფასდაკლების მოცულობა, დღგ-ს ჩათვლით; ფასდაკლების მოცულობა ყოველითვის შეიცავს დღგ-ს თანხას; ფასდაკლების მოცულობა დგინდება „გამყიდველის“ საფასო პოლიტიკის საფუძველზე;
- ზ) საწვავის მიწოდება ბარათ(ებ)ის მეშვეობით - „გამყიდველის“ ბრენდირებულ ავტო-გასამართ სადგურზე (აგს) მექანიკური სატრანსპორტო საშუალებისათვის საწვავის მიწოდება მოთხოვნილი ოდენობით, მაგრამ, ნებისმიერ შემთხვევაში, მხოლოდ ბარათზე განსაზღვრული ლიმიტის ფარგლებში (ბარათზე განთავსებული საწვავის მარკისა და ოდენობის მიხედვით);
- თ) საწვავის მიწოდება ტალონ(ებ)ის მეშვეობით - „გამყიდველის“ აგს-ებზე მექანიკური სატრანსპორტო საშუალებისათვის საწვავის მიწოდება მოთხოვნილი ოდენობით, მაგრამ, ნებისმიერ შემთხვევაში, მხოლოდ ტალონ(ებ)ზე მითითებული საწვავის მარკისა და ოდენობის მიხედვით;
- ი) ლიმიტი - „მხარეთა“ მიერ შეთანხმებული ზღვრული მაჩვენებელი, რომლითაც შემოიზღუდება „მყიდველის“ მიერ საწვავის კონსიგნაციით შეძენის შესაძლებლობა; ლიმიტი შეიძლება გამოიხატოს საწვავის მოცულობის შეზღუდვაში ან თანხობრივ ფორმაში;
- კ) ბრენდირებული აგს-ი - „გამყიდველის“ მართვაში არსებული აგს-ი, რომელიც განირჩევა კონკურენტებისაგან GULF-ის ლოგოთი და სხვა GULF-თან დაკავშირებული სიმბოლიკით;
- ლ) ხელშეკრულების შესრულების ადგილი - საქართველო, ქ. თბილისი.

2. ხელშეკრულების საგანი

- 2.1. წინამდებარე „ხელშეკრულების“ საგანია ბარათ(ებ)ის ან/და ტალონ(ებ)ის მეშვეობით „ მიწოდების“ ავტო-გასამართ სადგურებზე „შესყიდველისათვის“ საავტომობილო საწვავის, მიწოდება, კერძოდ: 1100 (ათას ასი) ლიტრი G-Force ევრო რეგულარის (CPV 09132000) მარკის/ტიპის საავტომობილო საწვავის შესყიდვა.
- 2.2. „გამყიდველი“ უფლებამოსილია, დროებით შეაჩეროს აგს-დან საწვავის მიწოდება აგს-ზე კონკრეტული მარკის საწვავის არქონის, საწვავის მიღების ან სხვ. პატივსაცემი მიზეზის არსებობისას.
- 2.3. აგს-ზე საწვავის მიწოდებისას „მყიდველი“ (ბარათის/ტალონის წარმდგენი პირი) ვალდებულია, განუხრებლად დაიცვას აგს-ზე დადგენილი ხანძარსაწინააღმდეგო და უსაფრთხოების სხვა ნორმები და წესები.

3. საწვავის მიწოდება ბარათ(ებ)ის მეშვეობით

პლასტიკური ბარათით საწვავის ნასყიდობის ხელშეკრულება



3.1. საწვავის შესყიდვლ რაოდენობას „გამყიდველი“ „მყიდველის“ ანგარიშზე ააქტიურებს შესაბამისი საგადასახადო ანგარიშ-ფაქტურის „მყიდველის“ მიერ დადასტურების ან/და შესყიდვლი საწვავის მიღება-ჩაბარების აქტის ორმხრივად ხელმოწერიდან 3 (სამი) საათის განმავლობაში.

3.2. „ხელშეკრულების“ 3.1. პუნქტით განსაზღვრული მომენტიდან „მყიდველი“ უფლებამოსილია საკუთარი შეხედულებისამებრ განკარგოს საწვავის შესყიდვლი რაოდენობა, გაანაწილოს საწვავი ბარათებზე (განსაზღვროს ლიმიტები), ბარათების მეშვეობით „გამყიდველის“ ბრენდირებულ აგს-ებზე ფაქტობრივად მიიღოს საწვავი, გადასცეს ბარათები ნებისმიერ პირს შემდგომი სარგებლობისათვის (საწვავის ფაქტობრივად მისაღებად).

3.3. „გამყიდველი“ საწვავის ფაქტობრივად მიწოდებას ახორციელებს ბრენდირებული აგს-ების მეშვეობით, ბარათ(ებ)ის წარდგენის საფუძველზე (ბარათ(ებ)ის წარმდგენ ნებისმიერ პირზე), ბარათ(ებ)ის წარმდგენის მიერ მოთხოვნილი ოდენობით, მაგრამ, ნებისმიერ შემთხვევაში, მხოლოდ ბარათზე განსაზღვრული ლიმიტის ფარგლებში (ბარათზე განთავსებული საწვავის მარკისა და ოდენობის მიხედვით) და იმ შემთხვევაში, თუ ბარათ(ებ)ი ამ ხელშეკრულებით დადგენილი წესით არ არის გაუქმებული/ზლოკირებული და წარდგენილ ბარათ(ებ)ზე დაშვებულია ტრანზაქციის შესრულება.

3.4. „გამყიდველი“ „მყიდველისათვის“ ბარათ(ებ)ს ამზადებს „მყიდველის“ მიერ მოთხოვნილი რაოდენობით, შესაბამისი განაცხადის (ელექტრონული ან/წერილობითი ფორმით) საფუძველზე. „გამყიდველი“ „მყიდველს“ მოთხოვნილი რაოდენობის ბარათ(ებ)ს გადასცემს 5 (ხუთი) სამუშაო დღის ვადაში შესაბამისი განაცხადის მიღებიდან.

3.5. ბარათ(ებ)ის „მყიდველისათვის“ გადაცემა ფორმდება მიღება-ჩაბარების აქტით. მიღება-ჩაბარების აქტის ორმხრივად ხელმოწერის მომენტიდან „მყიდველზე“ გადადის ბარათის დაზიანების, განადგურების ან/და დაკარგვის (მათ შორის ქურდობის, ძარცვის, ყაჩაღობის ან/და სხვა ნებისმიერი გზით ბარათ(ებ)ის „მყიდველის“ მფლობელობიდან გამოსვლის) რისკი. „გამყიდველი“ პასუხს არ აგებს ბარათ(ებ)ის დაზიანებით, განადგურებით ან/და დაკარგვით (მათ შორის ქურდობის, ძარცვის, ყაჩაღობის ან/და სხვა ნებისმიერი გზით ბარათ(ებ)ის „მყიდველის“ მფლობელობიდან გამოსვლით) ნებისმიერი პირის წინაშე დამდგარ ყველა და ნებისმიერი სახის ზიანზე.

3.6. „მყიდველი“ ვალდებულია ბარათ(ებ)ის მისაღებად წარმოადგინოს პირი, რომლის უფლებამოსილებაც დადასტურებული იქნება ამონაწერით სამეწარმეო რეესტრიდან ან შესაბამისი მინდობილობით/რწმუნებულებით. მინდობილობაში/რწმუნებულებაში მითითებული უნდა იყოს ბარათ(ებ)ის მიღებისა და შესაბამისი მიღება-ჩაბარების აქტზე ხელმოწერის უფლებამოსილება. არაუფლებამოსილ პირზე (პირზე, რომლის უფლებამოსილებაც არ დასტურდება „გამყიდველის“ ხელთ არსებული მონაცემებით) ბარათ(ებ)ი არ გაიცემა. „მყიდველი“ ვალდებულია, წერილობითი ფორმით, დაუყოვნებლივ შეატყობინოს „გამყიდველს“ ბარათ(ებ)ის მიღებაზე უფლებამოსილი პირის ცვლილების შესახებ, წინააღმდეგ შემთხვევაში, „გამყიდველი“ პასუხს არ აგებს ასეთი შეუტყობინებლობით „მყიდველის“ წინაშე დამდგარ ნებისმიერ შესაძლო ზიანზე.

3.7. „მყიდველი“ ვალდებულია, დაუყოვნებლივ შეატყობინოს „გამყიდველს“ ბარათ(ებ)ის დაზიანების, განადგურების, დაკარგვის ან/და სხვა ნებისმიერი გზით „მყიდველის“ ნების საწინააღმდეგოდ ბარათ(ებ)ის „მყიდველის“ მფლობელობიდან გასვლის შესახებ.

3.8. „ხელშეკრულების“ 3.7. პუნქტით გათვალისწინებულ შემთხვევაში, „გამყიდველი“ დაუყოვნებლივ დაბლოკავს „მყიდველის“ შეტყობინებაში მითითებულ ბარათებს ისე, რომ შეუძლებელი იყოს ასეთი ბარათ(ებ)ით ბრენდირებულ აგს-ებზე საწვავის მიღება.

3.9. „მყიდველი“ ვალდებულია, „ხელშეკრულების“ 3.8. პუნქტით გათვალისწინებული წესით დაბლოკილ თითოეულ ბარათზე ჯარიმის სახით გადაუხადოს „გამყიდველს“ 10 (ათი) ლარი ყველა გადასახადის ჩათვლით. მხოლოდ ამ 3.8. პუნქტით გათვალისწინებული ჯარიმის გადახდის შემდეგ არის „მყიდველი“ უფლებამოსილი, მოითხოვოს ახალი ბარათების დამზადება და მიღება, ასევე, დაბლოკილ ბარათ(ებ)ზე („გამყიდველის“ მიერ ასეთი ბარათ(ებ)ის დაბლოკვის შემთხვევაში) არსებული ნაშთების გადატანა ანგარიშზე.

3.10. იმ შემთხვევაში, თუ „მყიდველი“ უარს იტყვის „ხელშეკრულების“ 3.4. პუნქტის შესაბამისად დამზადებული ბარათ(ებ)ის მიღებაზე ან/და არ უზრუნველყოფს ბარათ(ებ)ის მიღებას ბარათ(ებ)ის დამზადების შესახებ შეტყობინების მიღებიდან 15 (თხუთმეტი) კალენდარული დღის ვადაში, „მყიდველს“ „გამყიდველის“ სასარგებლოდ ჯარიმის სახით გადასახდელად დაეკისრება 10 (ათი) ლარი ყველა გადასახადის ჩათვლით, ყოველ ასეთ დამზადებულ ბარათზე. ამ პუნქტით გათვალისწინებული ჯარიმის თანხის გადახდებიანებისათვის „გამყიდველი“ უფლებამოსილია მიმართოს „ხელშეკრულებითა“ და კანონმდებლობით გათვალისწინებულ ზომებს.

3.11. მხარეები თანხმდებიან, რომ „ხელშეკრულების“ 3.9. და 3.10. პუნქტებით გათვალისწინებული ჯარიმ(ებ)ის გადახდა „მყიდველის“ უპირობო ვალდებულებაა და, რომ „მყიდველის“ მიერ აღნიშნული ჯარიმების გადაუხდელობის შემთხვევაში, „გამყიდველი“ უფლებამოსილია ყოველგვარი გაფრთხილებისა და დამატებითი თანხმობის გარეშე ნებისმიერი ანაზღაურებიდან, ასევე, „მყიდველის“ ანგარიშსა თუ ბარათებზე არსებული ნაშთიდან, დაუქვითოს „მყიდველს“ ჯარიმის სახით გადასახდელი თანხები („მყიდველის“ ანგარიშსა თუ ბარათ(ებ)ზე დაბლოკვის ჯარიმის თანხის შესატყვისის ღირებულების საწვავი ისე, რომ შეუძლებელი იყოს ასეთი საწვავის ბრენდირებულ აგს-ებზე მიღება).

3.12. „გამყიდველი“ უფლებამოსილია ყოველგვარი დამატებითი გაფრთხილების გარეშე გააუქმოს ან/და დაბლოკოს „მყიდველისათვის“ გადაცემული ბარათ(ებ)ი იმ შემთხვევაში, თუ აღნიშნულ ბარათ(ებ)ზე უწყვეტი 6 (ექვსი) თვის მანძილზე არ განხორციელდება რაიმე სახის ტრანზაქცია.

3.13. იმ შემთხვევაში, თუ „მყიდველი“ „გამყიდველს“ „ხელშეკრულებით“ დადგენილი წესით, წერილობითი ფორმით არ აცნობებს ბარათ(ებ)ის დაზიანების, განადგურების ან/და სხვა ნებისმიერი გზით „მყიდველის“ ნების საწინააღმდეგოდ ბარათ(ებ)ის „მყიდველის“ მფლობელობიდან გასვლის შესახებ, ითვლება, რომ ბარათ(ებ)ი მოქმედა ამ



„ხელშეკრულებით“ დადგენილი წესით და „გამყიდველი“ ასეთი ბარათ(ებ)ის ბრენდირებულ აგს-ებზე წარდგენის შემთხვევაში განხორციელებს საწვავის მიწოდებას, რაც შესაბამისად აისახება ბარათ(ებ)ზე განსაზღვრული ლიმიტის ცვლილებაში. საწვავის ამ პუნქტით გათვალისწინებულ შემთხვევაში განხორციელებულ მიწოდებაზე „მყიდველის“ შედაგება/პრეტენზია არ დაიშვება/მიიღება და შესაძლო ზიანის ანაზღაურებასთან დაკავშირებით გამოიყენება „ხელშეკრულების 3.4. პუნქტით დადგენილი წესი.

4. საწვავის მიწოდება ტალონ(ებ)ის მეშვეობით

- 4.1. „გამყიდველი“ „მყიდველს“ საწვავის ტალონებს გადასცემს მიღება-ჩაბარების აქტის საფუძველზე;
- 4.2. მიღება-ჩაბარების აქტი მოიცავს საწვავის სახეობას, ტალონების ნომინალს და ინდივიდუალურ ნომერს, საწვავის საერთო რაოდენობასა და საწვავის ფასს;
- 4.3. მიღება-ჩაბარების აქტით ტალონების გადაცემის შემდეგ „მყიდველზე“ გადადის ტალონების დაზიანების, განადგურების და დაკარგვის რისკი, „გამყიდველი“ თავისუფლდება ტალონების გამოცვლის, ან დაკარგვით გამოწვეული რაიმე სახის ზიანის ანაზღაურების ვალდებულებისგან;
- 4.4. ყოველგვარი გაუგებრობის თავიდან აცილების მიზნით „მხარეები“ თანხმდებიან, რომ საწვავის ტალონ(ებ)ი არის ვადიანი და მისი, (ტალონის) გამოყენების ვადა განისაზღვრება კონკრეტულ ტალონზე დატანილი/მითითებული თარიღის შესაბამისად. აქვე „მხარეები“ თანხმდებიან, ხოლო „მყიდველი“ ადასტურებს, რომ საწვავის ტალონზე მითითებული/დატანილი ვადის გასვლის შემდეგ კონკრეტული ტალონი იქნება გამოყენებისათვის უვარგისი, კერძოდ აღნიშნული (ვადიანი) ტალონის აგს-ზე წარმოდგენის შემთხვევაში „გამყიდველი“ არ განხორციელებს შესაბამის ტრანზაქციას, რაზედაც მას (მყიდველს) არ ექნება რაიმე სახის პრეტენზია ან/და მოთხოვნა „გამყიდველის“ მიმართ. ასევე „მყიდველზე“ გადაცემული ტალონები არ ექვემდებარება უკან დაბრუნებას ან სხვა სახეობის ტალონებზე გადაცვლას;
- 4.5. ტალონ(ებ)ით საწვავის გაცემისას, დაუშვებელია ავტო-გასამართ სადგურზე წარმოდგენილი ტალონ(ებ)ის ნაწილობრივი განადგობა, ასევე, სრულად ან ნაწილობრივ კონვერტაცია თანხაში.
- 4.6. „გამყიდველი“ „მყიდველის“ უფლებამოსილ პირს „მყიდველის“ მიერ მოთხოვნილი საწვავის ტალონებს გადასცემს 3 (სამი) სამუშაო დღეში, სამუშაო საათებში. საწვავის ტალონების მისაღებად, „მყიდველის“ უფლებამოსილ პირს, სავალდებულო წესით, უნდა ჰქონდეს ტალონების მიღებაზე უფლების დამდგენი დოკუმენტი, წინააღმდეგ შემთხვევაში, „გამყიდველი“ უფლებამოსილია არ გასცეს საწვავის ტალონები. ამასთან, „მყიდველი“ ვალდებულია, უფლებამოსილი პირის ცვლილების შესახებ დაუყოვნებლივ აცნობოს „მყიდველს“ და წარუდგინოს შესაბამისი დოკუმენტები.

5. ფასი და ანგარიშსწორება

- 5.1. მხარეები თანხმდებიან, რომ ფასი განისაზღვრება ანგარიშ-ფაქტურის გამოწერის დღეს „მიმწოდებლის“ საცალო ქსელში დაფიქსირებულ ერთი ლიტრი: $G - Force$ ვერო რეგულარის ფასს მინუს 0.16 (თექვსმეტი თეთრი) ლარი, ერთი ლიტრის ღირებულება შეადგენს 2,26 ლარს. ხოლო წინამდებარე „ხელშეკრულებით“ განსაზღვრული გასაყიდი საწვავის სრული ღირებულება შეადგენს 2.486 (ორი ათას ოთხას ოთხმოცდაექვსი) ლარს დღგ-სა და საქართველოს კანონმდებლობით დადგენილი შესაბამისი გადასახადების ჩათვლით, (საწვავის ფასდაკლებული ღირებულება), ამასთან, მხარეები თანხმდებიან, რომ საწვავის ფასი/საწვავის ფასდაკლებული ღირებულება შეიცავს საწვავის შენახვასთან და ბრენდირებულ აგს-ებზე მიწოდებასთან დაკავშირებულ ყველა ხარჯს.
- 5.2. „გამყიდველის“ მიერ შეთავაზებულ ფასდაკლების მოცულობაზე „მყიდველის“ თანხმობის შემთხვევაში, საწვავის ყოველი კონკრეტული შესყიდვისას, საწვავის ფასი განისაზღვრება საგადასახადო ანგარიშ-ფაქტურის გამოწერის დღეს „მიმწოდებლის“ საცალო ქსელში დაფიქსირებულ ერთი ლიტრი კონკრეტული საწვავის ფასს მინუს შეთანხმებული ფასდაკლების მოცულობა. საწვავის ფასი მიეთითება „გამყიდველის“ მიერ გამოწერილ საგადასახადო ანგარიშ-ფაქტურაში. საწვავის ფასი შეიცავს საწვავის შენახვასთან და აგს-ებზე მიწოდებასთან დაკავშირებულ ყველა ხარჯს.
- 5.3. „მყიდველი“ ვალდებულია, მიღებისთანავე დაადასტუროს „გამყიდველის“ მიერ გამოწერილი საგადასახადო ანგარიშ-ფაქტურა. „მყიდველის“ მიერ საგადასახადო ანგარიშ-ფაქტურის დადასტურებამდე, „გამყიდველი“ უფლებამოსილია არ მიაწოდოს „შემსყიდველს“ საწვავი.
- 5.4. საწვავის ფასის ან/და ფასდაკლების მოცულობის შეცვლა შესაძლებელია მხარეთა წერილობითი შეთანხმებით, რაც აისახება ამ ხელშეკრულების დანართებში, ინვოისებში, შესაბამის მიღება-ჩაბარების აქტებსა და საგადასახადო ანგარიშ-ფაქტურებში.
- 5.5. „მიმწოდებელი“ უფლებამოსილია, თავისი შეხედულებისამებრ, ნებისმიერ დროს, ცალმხრივად გადახედოს საფასო პოლიტიკას, რის შესახებაც „შემსყიდველს“ ატყობინებს 10 (ათი) დღით ადრე ახალი საფასო პოლიტიკის ძალაში შესვლამდე. „შემსყიდველი“ უფლებამოსილია, არ დაეთანხმოს ახალი საფასო პოლიტიკით ურთიერთობის გაგრძელებას, რის შესახებაც მან დაუყოვნებლივ უნდა აცნობოს „მიმწოდებელს“. ამ უკანასკნელ შემთხვევაში, ხელშეკრულების მოქმედება ითვლება შეწყვეტილად, თუ „მიმწოდებელი“ კვლავ არ გამოთქვამს სურვილს მოქმედი საფასო პოლიტიკით ურთიერთობის გაგრძელებაზე.
- 5.6. „მყიდველი“ ანგარიშსწორებას ახდენს ლარში, „გამყიდველის“ მიერ საგადასახადო ანგარიშ-ფაქტურის გამოწერისა და შესაბამისი მიღება-ჩაბარების აქტის გაფორმების დღიდან არაუგვიანეს 14 (თოთხმეტი) კალენდარულ დღეში. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე;



5.7. „გამყიდველის“ წინასწარი მოთხოვნის შემთხვევაში „მყიდველი“ ვალდებულია წინასწარ წარმოადგინოს საბანკო გარანტია „გამყიდველისათვის“ მისაღები ფორმით, რომლის ვადაც არანაკლებ 10 (ათი) დღისა უნდა აღმატებოდეს კონსიგნაციის ვადას.

5.8. „მყიდველის“ მიერ გადახდის ვალდებულება შესრულებულად ჩაითვლება ანაზღაურების სრული თანხის წინამდებარე ხელშეკრულების მე-10 მუხლში მითითებულ „მიმწოდებლის“ საბანკო ანგარიშზე ჩარიცხვის მომენტიდან.

5.9. ვადაგადაცილებულად ჩაითვლება დავალიანება, თუ „მყიდველი“ არ დაფარავს „გამყიდველის“ მიმართ არსებულ დავალიანებას ამ „ხელშეკრულების“ პუნქტი 5.6.-ში მითითებულ ვადაში.

5.10. „მყიდველის“ მიერ გადახდის შეთანხმებული ვად(ებ)ის გადაცილების შემთხვევაში (როდესაც „მყიდველი“ არ აანაზღაურებს ან არასრულად აანაზღაურებს შეძენილი საწვავის ღირებულებას), „მიმწოდებელი“ უფლებამოსილია დაარიცხოს და მოსთხოვოს „მყიდველს“ პირგასამტეხლო ასანაზღაურებელი თანხის 0,5%-ის ოდენობით ყოველ ვადაგადაცილებულ დღეზე. იმ შემთხვევაში, თუ „მყიდველის“ მხრიდან წინამდებარე „ხელშეკრულებით“ განსაზღვრული გადახდის რომელიმე ვალდებულება იქნება დარღვეული/ვადაგადაცილებული ერთ თვეზე მეტი ხნის ვადით, „მიმწოდებელი“ უფლებამოსილია ამ მუხლში ზემოთ მოცემულ პირგასამტეხლოსთან ერთად, ჯარიმის სახით დააკისროს „მყიდველს“ იმ პერიოდში ვალუტის კურსის ან/და საწვავის საბაზრო (საერთაშორისო ან/და ადგილობრივი) ფასის ცვლილებით მიღებული ზარალის/ზიანის სრული ოდენობა. ამასთანავე, მხარეები თანხმდებიან, რომ წინამდებარე „ხელშეკრულების“ ამ პუნქტით განსაზღვრული ნებისმიერი პირგასამტეხლოს/ჯარიმის დაკისრება წარმოადგენს მხარის უფლებას და არა ვალდებულებას. პირგასამტეხლოს მიღების უფლება მოპოვებულად ითვლება და შესაბამისი თანხა ექვემდებარება გადახდას დამრღვევი მხარისათვის წინასწარი წერილობითი მოთხოვნის საფუძველზე. ამასთან, პირგასამტეხლოს დარიცხვა განხორციელდება მოთხოვნის წარმოშობის მომენტიდან, მიუხედავად წერილობითი მოთხოვნის თარიღისა;

5.11. „ხელშეკრულება“ ფინანსდება სახელმწიფო ქვეპროგრამის - „აზიური ფაროსანას წინააღმდეგ გასატარებელი ღონისძიებები“-ს ფარგლებში, 2018 წლის სახელმწიფო ბიუჯეტიდან გამოყოფილი სახსრებით.

6. ხელშეკრულების მოქმედების ვადა

6.1. წინამდებარე „ხელშეკრულება“ ძალაში შედის მხარეთა მიერ მისი ხელმოწერის დღიდან და მოქმედებს „მხარეთა“ მიერ ნაკისრი ვალდებულებების სრულად შესრულებამდე.

6.2. „მიმწოდებელი“ უფლებამოსილია ერთი კვირით ადრე გაგზავნილი წერილობითი შეტყობინების საფუძველზე ვადამდე შეწყვიტოს წინამდებარე „ხელშეკრულება“. ასეთი შეწყვეტა არ ჩაითვლება ხელშეკრულების დარღვევად. ამასთანავე, „ხელშეკრულების“ ნებისმიერი მხარე უფლებამოსილია ცალმხირვად, ვადამდე შეწყვიტოს ამ ხელშეკრულების მოქმედება, თუ მეორე მხარე ვერ ან არაჯეროვნად ასრულებს „ხელშეკრულებით“ ნაკისრ ვალდებულებებს. „ხელშეკრულების“ შეწყვეტა არ ათავისუფლებს მხარეებს შეწყვეტამდე არსებული ფინანსური ვალდებულებების შესრულებისაგან;

7. ფორს-მაჟორი

7.1. მხარეები თავისუფლდებიან პასუხისმგებლობისაგან ამ „ხელშეკრულებით“ გათვალისწინებული ვალდებულებების შეუსრულებლობის ან არაჯეროვანი შესრულებისთვის, თუ აღნიშნული შეუსრულებლობა/არაჯეროვანი შესრულება გამოწვეული იყო დაუძლეველი ძალით/გარემოებებით, რომელთა დადგომისას/არსებობისას მხარე, მისგან დამოუკიდებელი მიზეზების გამო, მოკლებული იყო შესაძლებლობას ჯეროვნად შეესრულებინა ამ „ხელშეკრულებით“ გათვალისწინებული ვალდებულებები. აღნიშნულ დაუძლეველ გარემოებებს განეკუთვნება (მაგრამ არ შემოიფარგლება): ყველა სახის სტიქიური უბედურება მიწისძვრა, წყალდიდობა, ეპიდემია, პანდემია, აჯანყება, საბოტაჟი, ზღოკადა, საომარი მოქმედება, სამოქალაქო ომი, ომი, საქართველოს კანონმდებლობაში მომხდარი ცვლილებები (ფორს-მაჟორული გარემოებები). მხარე რომელსაც შეეხება ამგვარი ფორს-მაჟორული გარემოებები ვალდებულია მეორე მხარეს გონიერულ ვადაში (მაგრამ არა უგვიანეს 5 სამუშაო დღისა) წერილობით აცნობოს ფორს-მაჟორული გარემოებების დადგომის შესახებ.

7.2. ფორს-მაჟორული მდგომარეობ(ებ)ის დასრულებისთანავე, მხარეები ვალდებულნი არიან სრულად აღადგინონ (გააგრძელონ) ამ „ხელშეკრულებით“ განსაზღვრული უფლება-მოვალეობების შესრულება. მხარეები თანხმდებიან, რომ თუკი ამგვარი ფორს-მაჟორული გარემოება გრძელდება 3 (სამი) თვეზე მეტ ხანს ნებისმიერი მხარე უფლებამოსილია გაგზავნილი წერილობითი შეტყობინების საფუძველზე შეწყვიტოს წინამდებარე „ხელშეკრულება“.

8. დავების გადაწყვეტა

8.1. მხარეები მიიღებენ ყველა ზომას, რათა ამ „ხელშეკრულებიდან“ გამომდინარე ყველა სადავო საკითხი გადაწყდეს მოლაპარაკების გზით.

8.2. საკითხის მოლაპარაკების საფუძველზე გადაწყვეტის შეუძლებლობის შემთხვევაში, ყველა სახის დავა, რომლებიც წარმოიშობა მხარეებს ან მათ წარმომადგენლებს შორის, განიხილება საქართველოს კანონმდებლობით დადგენილი წესით.

8.3. მხარეები თანხმდებიან, რომ ამ „ხელშეკრულებიდან“ გამომდინარე, ან მასთან დაკავშირებული ნებისმიერი დავა, უთანხმოება ან მოთხოვნა, მათ შორის ამ „ხელშეკრულების“ შესრულების, დარღვევის, შეწყვეტის, ან ბათილობის საკითხი, განსახილველად და საბოლოო გადაწყვეტილების მისაღებად გადაეცემა თბილისის საქალაქო სასამართლოს.



9. სხვა პირობები

- 9.1. ყოველგვარი გაუგებრობის თავიდან აცილების მიზნით, მხარეები თანხმდებიან, რომ „მყიდველის“ მიერ საწვავის მოთხოვნილი რაოდენობის ღირებულების „გამყიდველისათვის“ ანაზღაურებისას/გადახდისას (ნაღდი ან/და უნაღდო ანგარიშსწორებით), ასევე „მყიდველის“ ანგარიშზე საწვავის შესყიდული რაოდენობის გააქტიურებისას, მხარეთა შორის დამატებით რაიმე მიღება-ჩაბარების აქტი არ გაფორმდება (თუ ამ „ხელშეკრულებით“ სხვა რამ არ არის გათვალისწინებული) და „მყიდველის“ მხრიდან ანგარიშ-ფაქტურის ელექტრონულად დადასტურება იქნება „მყიდველისათვის“ საწვავის საკუთრებაში გადაცემის საკამრისი პირობა. ყოველივე ზემოთ აღნიშნულიდან გამომდინარე, „მყიდველს“ არ აქვს და არ ექნება რაიმე სახის პრეტენზია აღნიშნულ საკითხთან დაკავშირებით.
- 9.2. „ხელშეკრულებას“ დანართის სახით ახლავს პლასტიკური ბარათის მოხმარების ინსტრუქცია. „ხელშეკრულებაზე“ ხელის მოწერით „მყიდველი“ ადასტურებს რომ სრულად გაეცნო აღნიშნულ ინსტრუქციას და არ გააჩნია და მომავალში არ შეიძლება, რომ გააჩნდეს რაიმე სახის პრეტენზია აღნიშნულ საკითხთან დაკავშირებით.
- 9.3. „მყიდველი“ ვალდებულია, დაიცვას აღნიშნული ხელშეკრულების კონფიდენციალურობა და არ გადაანდოს მასთან დაკავშირებული ინფორმაცია მესამე პირს (პირებს).
- 9.4. ამ „ხელშეკრულებაში“ ცვლილებების შეტანა შესაძლებელია მხარეთა ურთიერთშეთანხმებით. ამ „ხელშეკრულების“ ყველა დამატება და ცვლილება უნდა შესრულდეს ამ „ხელშეკრულების“ ფორმის დაცვით;
- 9.5. ამ „ხელშეკრულების“ რომელიმე პუნქტის ბათილად ცნობა არ იწვევს მთელი „ხელშეკრულების“, ან მისი სხვა პუნქტების ბათილობას;
- 9.6. ეს „ხელშეკრულება“ შედგენილია თანაბარი იუდიურიული ძალის მქონე 3 (სამი) იდენტურ ეგზემპლარად, რომელთაგან ერთი რჩება „გამყიდველს“, ხოლო ორი ეგზემპლარი გადაეცემა „მყიდველს“.

10. მხარეთა რეკვიზიტები და ხელმოწერები:

შპს „სან პეტროლიუმ ჯორჯია“

იურიდიული მისამართი: ქ. თბილისი, ჭავჭავაძის გამზ., #34, სართ. #6
 საიდენტიფიკაციო კოდი: 404391136
 ბანკი: სს „საქართველოს ბანკი“-ს ც/ფ
 ბანკის კოდი: BAGAGE22
 ანგარიშის # GE08BG0000000876831002
 ბანკი: სს „თიბისი ბანკი“-ს ც/ფ
 ბანკის კოდი: TBCBGE22
 ანგარიში # GE37TB7538836020100007

სსიპ „სურსათის ეროვნული სააგენტო“

იურიდიული მისამართი: ქ. თბილისი, მარშალ გელოვანის ქ.#6
 საიდენტიფიკაციო კოდი: 205142200
 ბანკი: სახელმწიფო ხაზინა
 ბანკის კოდი: 220101222
 ანგარიშის # 200122900

„გამყიდველის“ სახელით



„მყიდველის“ სახელით

